

泃東樂府



汧東樂府

作者：

(明) 康

海

出版者：
印刷者：

江蘇廣陵古籍刻印社

發行者：

揚州市古籍書店

定價：

玉扣紙本六元四角
白棉紙本九元

出版時間：

一九八〇年十月

書號：

八〇一〇二〇

汴東樂府卷二

武功康海德涵譔

套數

南呂

一枝花

春賞

和風動碧天，淑氣回青嶠。長堤飏嫩柳，深澗
點天桃。暖律初交，已顯鴻鈞造。誰知大化饒。
徧天涯芳草，葱蒨滿園陬。穠華窈窕。

梁州。杜宇聲喚不住，戀春光遊客金鞭秋干。
影打不斷戲春情，士女朱纒春盤綵。勝爭夸。

耀纔歸南浦。又約東臯方過竹塢。卻入林坵。
喜孜孜喚友呼朋。樂陶陶命色徵嬌。少酒時
點春衣。眞覓向杏花谿。牧羊兒笑指前村有
情。呵。沂春流直訪到楊柳岸。釣漁翁行吟曲
沼。醉來波倚春風斜臥在碧桃蹊。玉人兒鬪
草東郊。香醪翠猱兩般兒。促擁出千般妙更
那堪長樂苑。曲江道處處朱樓映柳條。端的
是難畫難描。

隔尾也待要護春園。不許東風虐。怎禁他趕
暮景頻將花片拋。綠暗紅稀。百忙鬧黃鶯聲。

恁嬌綠楊煙恁好剗過了如此春光兀的不
可惜了

前調 夏賞

新荷點綠錢濃柳團蒼蓋朱櫻雲外摘白露
水邊來芍藥方開簾捲葵榴色歌移鶯燕猜
望層臺灌水陰陰看曲沼纖蒲藹藹

梁州水亭幽宜歌宜舞午風涼堪想堪懷年
來賸有追遊債閒調金縷笑引鸞釵雄吞碧
碗醉舞蒼苔亂紛紛戲鞦韆藏鬪密匝匝打馬
鋪牌有時節綠陰中坐輕莎謾轉屠蘇有時

節小橋邊趁清波微歌欵乃有時節疏籬外
藉涼陰俯視詠諧歡來再釀從他酒病連朝
害者莫向紅樹底碧山外顧不的避飲黃公
肚量窄都一般暢飲開懷

隔尾雖不似流金爍石三伏屈怎當他翠遶
紅圍一字排美景良辰好寧耐有花香月色
有佳人俊才似這等着緊光陰便有那萬兩
黃金向誰買

前調 壽北山先生

丹霄彩鳳來畫閣天仙到南洲遺火棗東海

獻蟠桃瑞氣飄飄
一派笙歌開千聯羽節高
壽筵開壽酒如泉
仙母降仙音縹緲

大遶鼓仙姬列翠翹
金杯玉斚畫棟朱箔仙
客皆奇妙仙花仙果
仙酒仙馥仙圃仙居難
畫描

罵玉郎珠簾不許几塵到
山隱隱水迢迢蒼
松老檜周圍罩有的是
獻菓猿猱花鹿燒丹
竈

一江風醉酹醺此意誰堪道
自有知音妙儘
今宵主勸賓酬斗轉星移
始稱佳辰樂歌聲

聽轉嬌歡。睂看更好。有甚事縈懷抱。

感皇恩。呀。他本是天挺人豪。說甚麼丙魏蕭曹。想當日列都臺。持使節。靖天驕。今日个辭榮。豸府。涸跡漁樵。真个是有來頭。能結果。會逍遙。

東甌令。多才藝。有問學。治亂安危。咳睡閒了。功名事業。看來小。自喜元龍傲。觀山翫水樂。淘淘雲蕩漾。錦窩巢。

採茶歌。雲蕩漾。錦窩巢。玉璫玊好根苗。端的是鳳凰池上鳳凰毛。壽比南山還草草。福如

東海任朝朝

節節高銀箏玉笛錦琴鸞簫纖羅霧縠相輝
耀般般妙更綺筵翻新調恍如耳聽鈞天樂
分明身在蓬萊島沽名釣譽怎生堪雄才大
器纔能到

隔尾

看了這堦榴滿把金杯照徑竹輕將玉

珮搖水閣風來翠簾約有鳴鸞舞鶴有琪花

異草敢只是天上疑多世閒少

餘音年年歲歲人長好天長地久永堅牢萬

載千秋長不老

前調 秋興

波澄木葉飛秋老山雲擔小樓歸鳥度高閣
晚風鑿綠橘黃柑故把秋容嵌還將秋興探
坐崇巒天闊煙微臨曲沼荷枯菱減

牧羊關 輞川圖寂寞了茱萸泝桂嶺記蕭條
煞鉗鉤潭把一葉採蓮舟漂泊的地北天南
促擁的江湖太狂逼落的簷鐸煞慘清輝流
玉臂涼霧溼春衫對金尊拚一醉撫瑤琴情

萬感

菩薩涼州 傍谷依巖把千山俯瞰閒愁不沾

好棲遲一掠茅庵白雲蒼岫恣貪婪朱顏綠
鬢無多暫輕裘肥馬常傾陷眼見的不遮暗
世態人情卽漸諳又甚麼管見高談

玄鶴鳴思往事明如鑑趁秋光且盡酣衰容
新蹇蹇短髮漸鬢鬢休直待秋色暮天昏地
黯且看籬邊黃菊戶外晴嵐床頭寶劍杖底
長劒枉笑殺當年籍與咸濁醪可醺玉珮豈
堪

賀新郎一尊桂酒味清甘只吃的夜盡更移
香銷燭暗又不是太官茶飯愁糾勘意到處

湖山任覽興濃時歌舞隨階雲鬟燕趙女繡
帶鳳凰簪紅牙不妬芙蓉領肌穠荷未斂語
媚桂初含

梧桐樹休夸德祖敏且抱伯陽慙者莫交貝
錦譏薏苡謗鹿裘訓我則知沉醉在黃花檻
紅芍藥我如今煙波獨許白鷗參有甚叨貪
一年時序已過三樂事空擔和陶詩張白毯
得意后笑語湛湛虛脾風月任君詰煞勝似
睜眼受拘監
草池春怕拘監愛淡恬自返幽巖事事舒眉

張瞻歷歷神怡心湛常常意暢情耽日日開
尊設宴漢陰抱甕豈慚汝上荷鋤何憾愁同
季子聯驂喜其長公浮艦荊州介豎信讒錢
塘詩人亦閤悲歌慷慨匪鵠坐起從容宜監
花無千日長醜海豈一槁可探口味怎齊淡
鹹目力易分青紺想他每落魄湖南遊戲江
檐散澹林嵐嘯傲津潭又何心皂蓋金銜旣
隱秋巖是非身喜應了漁樵讖懸河辯倚馬
譚到處人嫌放情偃蹇信意腌臢

翠盤秋有時節移坐塌對明蟾口把新詩占

捲起疏簾興更添桂漿瑤瑟兩爭甜不數石
家豔

玉交枝 由他醞釀隨時束檢長安門裏多坑
塹古來今幾人諳周公富不及仲子廉楚襄
愚可似曹瞞僭盡都是書生兀談甚力氣和
他討探不如咱閒袖手靜歎鬢逢暇日把杯
探心無一事牽愁脫千斤擔常訪鹿皮翁永
閉龍光劍且將息不耐風霜自由的臉

煞 比似他高牙大纛有千人喊怎及俺萬縷
煙霞盡日酣新詩吟罷不題函便衫袖被酒

淹怎肯交情闌興滅這風流豈污濫古往今
來只二三端的是敢陋安咸

隔尾想當日名傳鳳苑眞虛泛身繫鵷班事
可慚薄劣愚庸近方諳則好向山林中笑談
桑榆間眺覽但提起駟馬高車就說破我膽

罵玉郎

丁卯卽事

玉堦昨夜妖星見排正直寵奸權人人剝削
夸劉宴奏文宣阿武偃題封禪

感皇恩順水推船揀空拋磚假粧么胡捏鬼
大欺天翻了舊典弄出新圈竄馮唐囚李廣

薦韓嫣

採茶歌盡爭先要調元搬騰的赤眉銅馬徧
中原已往斯高須未遠方來狐鼠要憂鷗

前調

平生正直存公道番落後小兒曹讒言浪語
千般造蕙成茅真當草恭爲傲

感皇恩任意曉曉信口噉噉子淵愚無鹽美
鄧通高芟了瑞草護起蕪苗恨填胸冤徹骨

事慚學

採茶歌暗劃度細評較多敢是天時人事有

崎嶇玉潔冰清終自保虛名微利怕題着

四塊玉

自酌

任意行安心坐叱吒風雲當甚麼青春白日
休空判燕燕彈小小歌鶯鶯和

罵玉郎人生恰似秋風過才裊裊早陀陀英
雄氣槩何須个杏才舒梅又顙颯將落

感皇恩富貴如何貧賤由他小蒲團低石几
且消磨微吟既可長嘯當合對青山沿碧岸
擢滄波

採茶歌趁年和做庄活村醪社鼓舞婆娑娑緘